

Mariae Virginis Sacratiss. Miracvlorvm Libri Tres

Vismara, Ercole

Mediolani, 1579

Mirac. Virg. XXVII. Niues, quae è coelo sextili mense deciderunt, templi D.
Mariae maioris Romae construendi, au spicum fuisse.

[urn:nbn:de:hbz:466:1-64305](#)

deficere possumus, facta turpissimo monstro turpi, & indecora deditio[n]e, auri, aut argenti inani spe, & falaci? cum tamē res ita partae statim effluant, ac rapidē dilabātur? An ita obtusi, & fatui estis, qui dona hostiū, à quib[us] quotidie ad internacionem uastamini, dolis ca[r]ere credatis? Quis autē ita perculso, postratoue, animo inueniri potest, qui, si Virginis, aut eius filij nomē inuocet; statim sibi de rcb. omnib. liberalissimē consultum esse non sentiat? Nemo enim copiosius largiri potest, cum penes ipsos sit rerū omniū summa, atq[ue] imperium; nemo libentius aut liberalius, cum non solum uniuersa nobis Christus dederit, sed etiam prouta nostra seipsum obtulerit, & sanguinem innocentissimum profuderit.

MIRAC. VIRG. XXVII.

Nines, quae è coelo sextili mense deciderunt, templi Mariae maioris Romae construendi, auspiciū fuisse.

Non praetereundum est miraculum, quod ab ecclesia Romana quotannis maximo triumpho illustratur; quodq[ue] Liberij summi Pontificis temporib[us]. Romae coelestum clementia patefactum, & apertum est. Ioannes patricius Romanus, urbisq[ue] ipsius praefectus, incredibili prolis desiderio exardebat. Huic erat uxor pudicissima; sed nunquā casti coniuges liberos dare potuerant. Eius rei causa immortalia uota suscipiunt; atq[ue] sibi apud Deum eius sponsam aduocatam implorant. Ipsa uero, quae semper miseris mortalib[us] rę ipsa opem affert, minimē deditos

deditos sibi deseruit. opere pretium est , rem breui-
ter exponere. Nam ea nocte, quae diem v. Non. sex-
til. praecedit; quo tempore homines, animantiaq. gra-
uis a estas exurit; & quo omnia saeuiente aestu absu-
muntur; e coelo candidissimae niues decideunt, quib.
tanta soli pars fuit occupata, quanta ad extruendum
templum fatis erat . Eadem etiam nocte Virgo Libe-
rio in somnis apparuit, cui edixit, ut sibi templum in-
tra moenia statueret, ubi niueis mane cōperisset. Mo-
nuit praeterea eundem , ne ab eo, quod suadebatur,
desisteret; promittens rem factu facillimam futuram.
mane enim, inquit, Ioānes unus ex principib. Romae
ciuib. te conueniet; cuius ope , ac sedula opera uti in
hac re poteris. Quare me postea in uibe summae am-
plitudinis templum accipiet. Vix haec locuta fuerat;
cum discedens uera coeli regina patuit. Ac se ad Ioan-
nem, & uxorem, qui uix sobolis desiderium ferre po-
terant; quiq. eius rei causa Deo sua omnia obtulerāt
contulit . Illos primum cū saluere iussisset, ita mitib.
uerbis compellauit. Ibi ego uobis aeternam domum
comparabo, quam sine fine incolatis, ubi beati degūt
aeuum immortale; si mihi hic in terris aedem erigere
statuetis. Casti coniuges illis uerbis annuentes, & ad
omnia se paratos esse, attestantes , sua omnia Virgi-
ni patere aperte dixerunt ; quae ipsos, ut Pontificem
adirent, hortata est. Pontificis enim dicto ipsis audiē-
tibus; ibi templum statutum iri dicebat; ubi tam gra-
ui aestatis tempore niues fuissent inuentae. Quamo-
brem, dum recto curru ad Liberium contendunt, ni-
uum maximam quantitatem uident; & cum Ponti-
fice consilij ratione communicata; ad eam rem eorum

solid

F 2 animi

MIRAC. VIRG.

44 animi magis, magisq. accense fuere. Procedens autem summus antistes maximo sacerdotum numero, institutisq. solemnib. supplicationib., in collem niuib. mirum in modum albicantem perrexit; templiq. extrudi optimis coniugib. fuit optimus auspex. Hoc hodie Romae inuisit, amplissimum, Virginisq. maiestate dignum, D. Mariae maioris nomine in scriptum. scriptum est in D. Magni uita, huiusmodi etiam miraculo, Venetijs fuisse duodecim tempula extracta.

MIRAC. VIRG. XXVIII.

Honestissima puella Virginis inuitatu, coelestium, & immortalium Virginum choro inseritur.

Puellae quae Musa dicebatur, & quae soror erat probi, uiri sanctissimi, ut ipse multis narrare solebat, in somnis Virgo se noctu obtulit innumeris Virginib. comitata, quarum uestes niue candidiores erant. illis cum se inserere ualde puella aueret, Dei mater fulgētissima, ac coelesti ore, inquit, te quoq. earum in numero, si uis reponam. Quarē id ardenter cupienti, apud Virginem impetratu facillimū fuit. Praecepit ergo munificentissima parens, ut ab omni puerili leuitate, risuq., & ludicris reb. se se cōtineret; id si fecisset, inter coelesteis illas, & immortaleis adolescentulas, ipsam quoq. conumeratum iridicebat. Iccirco se adolescentula plane ab omni flexibili, & inconstanti consuetudine abduxit, ac removit; & alia omnino facta est. Demirati deinde fuerūt parentes de tam repentina mutatione; qui incredibilem